

B-13425

S<sup>MI</sup>. IN CHRISTO PATRIS, AC  
D. N. D.

Dupl.

**INNOCENTII**  
DIVINA PROVIDENTIA  
**PAPÆ X.**  
CONSTITVTIO,

Qua declarantur, & definiuntur quinque Propositiones  
in materia Fidei.



R O M Æ,  
Ex Typographia Reuer. Camerae Apost. 16.



# INNOCENTIVS

Episcopus Seruus Seruorum Dei.

*Vniuersis Christi fidelibus salutem, & Apostolicam  
Benedictionem.*



VM Occasione Impressionis  
libri, cui Titulus, Augustinus  
Cornelij Iansenij Episcopi  
Iprensis, inter alias eius opi-  
niones orta fuerit, præsertim  
in Gallijs controuersia super  
quinque ex illis, Complures  
Galliarum Episcopi apud Nos institerunt, vt  
easdem Propositiones Nobis oblatas expende-  
remus, ac de vnaquaque earum certam, &  
perpicuam ferremus sententiam.

*Tenor verò præfatarum Propositionum est prout  
sequitur.*

**P** R I M A: Aliqua Dei præcepta Hominibus iu-  
stis volentibus, & conantibus secundum præ-  
sentes, quas habent vires, sunt impossibilia,  
deest quoque illis Gratia, qua possibilia fiunt.  
Secunda: Interiori Gratia in statu Naturæ lapsæ  
nunquam resistitur.  
Tertia: Ad merendum, & demerendum in statu  
Naturæ lapsæ nõ requiritur in Homine libertas  
à necessitate, sed sufficit libertas à Coactione.  
Quarta: Semipelagiani admittunt præuenientis  
Gratiæ interioris necessitatem ad angulos

actus, etiã ad initium fidei, & in hoc erant  
Hæretici, quòd vellent eam Gratiam talem  
esse, cui posset Humana voluntas resistere, vèl  
obtemperare.

**Quinta:** Semipelagianum est dicere, Christũ pro  
omnibus omninò Hominibus mortuum esse,  
aut sanguinem fudisse.

**Nos**, quibus inter multiplices curas, quæ animam  
nostram assidue pulsant, illa in primis cordi est,  
vt Ecclesia Dei Nobis ex Alto cõmissa, purga-  
tis prauarum Opiniorum erroribus, tuto mili-  
tare, & tanquam Navis in tranquillo Mari, se-  
datis omnium tempestatum fluctibus, ac pro-  
cellis, securè nauigare, & ad optatum salutis  
Portum peruenire possit.

**Pro rei grauitate**, coram aliquibus S.R.E. Cardi-  
nalibus ad id specialiter sæpius congregatis, à  
pluribus in Sacra Theologia Magistris eadem  
Quinque Propositiones, vt supra Nobis obla-  
tas, fecimus singillatim diligentèr examinari,  
eorumquè suffragia, tum voce, tum scripto re-  
lata maturè considerauimus, eosdemque Magi-  
stros, varijs coram Nobis actis Congregationi-  
bus, prolixè super eisdem, ac super earum qua-  
libet differentes audiuius.

**Cum autem** ab initio huiuscemodi discussionis ad  
Diuinum implorandum Auxilium multorum  
Christi fidelium preces, tum priuatim, tum pu-  
blicè indixissemus, postmodum iteratis eisdem  
feruentius, ac per Nos sollicitè implorata San-  
cti Spiritus Assistentiæ, tandem Diuino Numi-  
ne fauente, ad inscriptam deuenimus Decla-  
rationem, & Definitionem.

Primam prædictarum propositionum: Aliqua Dei præcepta Homnibus Iustis volentibus, & conantibus; secundum præsentia, quas habent Vires, sunt impossibilia, deest quoque illis Gratia, qua possibilia fiant: Temerariam, Impiam, Blasphemam, Anathematè damnatam, & Hæreticam declaramus, & vti talem damnamus.

Secundam: Interiori Gratia in statu Naturæ lapsæ nunquam resistitur: Hæreticam declaramus, & vti talem damnamus.

Tertiam: Ad merendum, & demerendum in statu Naturæ lapsæ non requiritur in Homine libertas à necessitate, sed sufficit libertas à Coactione: Hæreticam declaramus, & vti talem damnamus.

Quartam: Semipelagiani admittebant præuenientis Gratia Interioris necessitatem ad singulos actus, etiam ad initium Fidei, & in hoc erant Hæretici; quòd vellent eam Gratiã talem esse, cui posset humana Voluntas resistere, vel obtemperare: Falsam, & Hæreticam declaramus, & vti talem damnamus.

Quintam: Semipelagianum est dicere, Christum pro omnibus omninò hominibus mortuum esse, aut Sanguinem fuisse; Falsam, Temerariam, scandalosam, & intellectam eo sensu, vt Christus pro salutè duntaxat Prædestinatorum mortuus sit: Impiam, Blasphemam, Contumeliosam, Diuinæ Pietati Derogantem, & Hæreticam declaramus, & vti talem damnamus.

Mandamus igitur omnibus Christi fidelibus vtriusque sexus, ne de dictis Propositionibus sentire, docere, prædicare aliter præsumant, quam

quàm in hac præfenti noſtra Declaratione, & Definitione continentur ſub cenſuris, & pœnis contra Hæreticos, & eorum fautores in iure expreſſis.

Præcipimus paritèr omnibus Patriarchis, Archiepiſcopis, Epifcopis, alijsque locorum Ordinarijs, nec non Hæreticæ prauitatis Inquiſitoribus, vt Contradiçtores, & Rebelles quoſcumque per cenſuras, & pœnas prædictas, cæteraque iuris, & facti remedia opportuna, inuocato etiam ad hoc ( ſi opus fuerit ) Auxilio Brachij Sæcularis, omninò coerceant, & compeſcant.

Non intendentes tamèn per hanc Declarationem, & Definitionem ſuper prædictis Quinque Propositionibus factam, approbare vllatenus alias opinionones, quæ continentur in prædicto libro Cornelij Ianſenij. Datum Romæ apud Sanctam Mariam Maiorem Anno Incarnationis Dominicæ milleſimo ſexcentefimo quinquageſimo tertio, pridie Kal. Iunij, Pontificatus Noſtri Anno Nono.

Hi, Datarius.

G. Gualterius.

P. Ciampinus.

Anno à Natiuitate D. N. IESV Christi Millesimo sex-  
centesimo quinquagesimo tertio, Indictione sexta,  
Pontificatus Sanctissimi in Christo Patris, & D.  
N. D. INNOCENTII Diuina Prouidentia Papæ  
X. Anno eius Nonno, die verò nona mensis Iunii su-  
pradieta Constitutio affixa, & publicata fuit in Ec-  
clesiæ Lateranen. ac Basilicæ Principis Apostolo-  
rum de Vrbe, nec non Cancellariæ Apostolicæ val-  
uis, ac in acie Campi Floræ per me Hieronymum  
Mascellam Sanctissimi D. N. Papæ Cursorem.

Pro D. Mag. Curforū P. Paulus Desiderius Cursor.

Handwritten text, likely bleed-through from the reverse side of the page. The text is illegible due to extreme fading and low contrast.

